



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN - DEGA E GJYKATËS SUHAREKË

Numri i lëndës: 2022:197244

Datë: 14.05.2024

Numri i dokumentit: 05683472

C.nr.1023/22

GJYKATA THEMELORE NË PRIZREN – DEGA NË SUHAREKË, nëpërmjet gjyqtarit Robert Tunaj, në cilësinë e gjyqtarit të vetëm gjykues, me pjesëmarrjen e praktikantes Saranda Aliaj në çështjen juridike të paditësve:A.R, R.K, B.S, H.SH dhe M.SH, mësimdhënës në SHFMU “ Vaso Pashë Shkodrani” në fshatin L, K. S, të cilin me autorizim e përfaqëson av. Ibadete Xh-K, nga S, kundër të paditurës K e S–D e A, të cilën e përfaqëson përfaqësuesi ligjor A. B, me objekt kontesti shpërblimin e inflacionit në pagë, gjykata me datë 14.05.2024, mori dhe shpalli këtë:

A K T G J Y K I M

Pa shqyrtim kryesor të çështjes

- I. APROVOHET** në tërësi kërkesëpadia e paditësit A. R, R. K, B. S, H. Sh dhe M. Sh, mësimdhënës në SHFMU “ Vaso Pashë Shkodrani” në fshatin L, K. S.
- II. DETYROHET** e paditura K e S – D e A, që në emër të diferencës së papaguar në pagë, referuar normës së inflacionit prej periudhës 2019-2022, të paguajë shumën si vijon:

Për secilin paditës veq e veq :

Për vitin 2019 për shkallën e inflacionit 2.7 %, shumën prej 45.48 euro

Për vitin 2020, për shkallën e inflacionit 0.2 %, shumën prej 10.10 euro

Për vitin 2021, për shkallën e inflacionit 3.4 % shumën prej 171,84 euro

Për vitin 2022, për shkallën e inflacionit 11.6% shumën prej 390,87 euro me kamatë ligjore prej 8%, duke e llogaritur prej ditës së paraqitjes së padisë (26.09.2022), e deri në pagesën definitive, në afat prej 7 ditësh, pas pranimit të këtij aktgjykimi, e nën kërcënim të përmbarimit të dhunshëm.

III. REFUZOHOHET kërkesëpadia për periudhën 2017, 2018 deri 26.09.2019 si e parashkruar.

IV. OBLIGOHET e paditura K e S, që në emër të shpenzimeve procedurale të paguaj shumën prej 312€, në afat prej 7 ditësh, pas pranimit të këtij aktgjykimi, e nën kërcënim të përmbarimit të dhunshëm.

Arsyetim

Paditësit përmes të autorizuarit të tyre, pranë kësaj gjykate me datë 26.09.2022, ka parashtruar padi kundër K së S, D e A, me të cilën ka kërkuar kompensimin në pagë nga shkalla e inflacionit.

Përfaqësuesi ligjor i të paditurës, K e S – D e A, me datë 02.11.2023 pranë kësaj gjykate ka parashtruar përgjigjen në padi, me të cilën ka theksuar se nuk e kundërshton kërkesëpadinë e paditësit lidhur me kompensimin e pagës, konform shkallës së inflacionit, marrë për bazë edhe mendimin juridik të Gjykatës Supreme, por ka kërkuar që të refuzojë pjesën tjetër të kërkesëpadisë sa i përket parashkrimit.

Gjykata pas shqyrtimit të padisë, provave që gjenden në shkresat e lëndës, si dhe përgjigjes në padi të paraqitur nga ana e të paditurës, në kuptim të nenit 8 lidhur me nenin 152 të LPK-së, gjeti se kërkesëpadia e paditësit është **e themeltë**, andaj pa shqyrtim të çështjes, e aprovoi kërkesëpadinë si në dispozitiv të këtij aktgjykimi.

E autorizuara e paditësve, me rastin e ngritjes së padisë, për kompensimin e inflacionit në pagë, i ka bashkëngjitur padisë kontratat e punës me numër protokollit 28/29 të dt.01.09.2015, 28/7 të dt.01.09.2015, 28/17 të dt.01.09.2015, 55/19 të dt.02.05.2019, 28/4 të dt.01.09.2015

Gjykata ka vendosur ta aprovojë kërkesëpadinë e paditësve, që të ia kompensoj diferencën e pa paguar në pagë, referuar normës së inflacionit për vitin 2019 duke llogaritur pagën bazë shumëzuar me shakllën e infalcionit prej 2.7 %, për vitin 2019 , 0.2 %, për vitin 2020 , 3.4 % për vitin 2021 dhe 11.6 %, për vitin 2022 duke u bazuar në dispozitat e nenit 35, pika 10 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, që parashihet se *“Për çdo vit të përcillet shkalla e inflacionit në bazë të Entit të Statistikave të Republikës së Kosovës”*.

Sa i përket shkallës së inflacionit nëpër vite, gjykata vendosi si më lartë duke u bazuar konform tabelës së inflacionit të lëshuar nga parashtrësja e Agjencionit të Statistikave të Kosovës, me numër 01-02-1436, të datës 27.10.2023.

Gjykata është bazuar në mendimin juridik të miratuar në Seancën e Përgjithshme të Gjykatës Supreme, të datës 09 tetor 2023 në cilin parashihet se *“Punëtorët në bazë të Kontratës Kolektive të Arsimit në Kosovë të datës 18.04.2017 dhe Kontratës Kolektive të Arsimit në Kosovë të datës 22.01.2021, kanë të drejtë që në pagën e tyre të futet përqindja e inflacionit, marrë për bazë shkallën e inflacionit çdo vit Sipas Entit të Statistikave të Republikës së Kosovës”*, ashtu siç është përcaktuar me nenin 35, pika 10 të këtyre marrëveshjeve”.

Sa i përket çështjes së parashkrimit, gjykata vlerëson se në rastin konkret kemi të bëjmë me parashkrim të kërkesës për faktin se padia e paditësit është dorëzuar me datë 26.09.2022, ndërsa kërkesëpadia e paditësit përfshin periudhën kohore për 2017-2022 e deri me datën e mbajtjes së seancës gjyqësore. Sipas vlerësimit të kësaj gjykate baza juridike e parashkrimit të kërkesave në të holla në kontestet e marrëdhënies së punës është në nenin 87 të Ligjit të Punës, sipas të cilit *“Të gjitha kërkesat nga marrëdhënia e punës në para, parashkruhen brenda afatit prej tri (3) vitesh, nga dita e paraqitjes së kërkesës”*. Prandaj edhe kërkesa për kompensimin e pagës konform shkallës së inflacionit është paraqitur brenda afatit 3 vjeçar.

Vendimin mbi kamatën, gjykata e mori në kuptim të nenit 382 të LMD-së.

Vendimin mbi shpenzimet procedurale, gjykata e mbështeti në nenin 452.1 të LPK-së duke ia njohur paditësve shpenzimet e procedurës.

Duke u bazuar në të dhënat e lartcekura, gjykata ka vendosur si në dispozitiv të këtij aktgjykimi bazuar në nenin 152 të LPK-së.

**GJYKATA THEMELORE PRIZREN - DEGA E GJYKATËS SUHAREKË
DEPARTAMENTI I PËRGJITHSHËM – DIVIZIONI CIVIL
C.nr.1023/2022 data 14.05.2024**

**Gjyqtari
Robert Tunaj**

KËSHILLË JURIDIKE: Kundër këtij Aktgjykimi pala e pakënaqur ka të drejtë ankese në afat prej 7 (shtatë) ditësh nga dita e pranimit, Gjykatës së Apelit, nëpërmjet të kësaj Gjykate.